

用劍之迹已見且其母臨死之言亦甚昭著又據其證

金漢

手刃明白

人倫大變不可以不服論固當依律定罪其所居官亦宜降黜但鍾城與

虜接隣非內地之比且防禦重地減削亦非制邊之宜除降號祇將金富已

屍身陵遲梟首傳示遠方破家滅宅以懲大惡深合於律傳曰如啓○

己未戶曹啓曰近來年凶今年雖曰稍稔而國用尚不足功臣別賜田

依前例減半其餘職田稅請勿給傳曰知道○憲府啓曰觀禮曹啓曰王

世子率百官進宴前一日令中外進箋陳賀云進宴雖非禮文所載世子上

壽無妨以服闋疾瘳爲賀則其時已陳賀若以三十年即位爲賀則在臣

民之情雖所懼慶緒之古昔考諸國朝賀諸禮經並無所據況古今帝王

歷年長久敬德之效悠久無彊豈以三十年爲多而稱賀乎請勿陳賀答

曰陳賀事疾瘳服闋已過之事禮曹何所據而爲之耶朝廷有他議而爲公

事故依例啓下矣其勿陳賀○日暈夜南方有氣如火○庚申日暈東方有

氣如火○辛酉兵曹承政院藝文館侍講院弘文館都提府入直堂上郎官

各賜弓一張○上御照涼殿觀火

設於慶會樓池北

世子入侍○領議政韓效元卒

贈謚翼靖史臣曰韓效元爲人器量恢弘不較細瑣頗有公輔之望但與

金安老居在比隣助其權勢不數年聚陞台位時論短之○政院啓曰